



Na osnovu člana 64. stav (1) tačka a) i člana 70., Zakona o javnim nabavkama BiH („Službeni glasnik Bosne i Hercegovine“, br. 39/14, 59/22 i 50/24) i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 32/23, Prečišćen tekst), na preporuku Komisije za nabavku opreme za izgradnju kapaciteta IDDEEA-e BiH za podršku uvođenja specifičnih izbornih tehnologija u izborni proces u Bosni i Hercegovini datu u Zapisniku o pregledu i ocjeni ponuda broj: 07-2-16-3-1126-21/25 od 07.05.2026. godine, Centralna izborna komisija Bosne i Hercegovine je na 32. sjednici održanoj 21.05.2026. godine, d o n i j e l a

## **O D L U K U**

### **o izboru najpovoljnijeg ponuđača**

(1) Ugovor za nabavku **opreme za izgradnju kapaciteta IDDEEA-e BiH za podršku uvođenja specifičnih izbornih tehnologija u izborni proces u Bosni i Hercegovini - Sistema za provjeru biometrijskih podataka - LOT 1** dodjeljuje se **Grupi ponuđača „iBusiness“ d.o.o. Istočno Sarajevo, nosilac Grupe i „Etiris“ d.o.o. Mostar.**

(2) Ponuda Grupe ponuđača iz stava 1. ove odluke zadovoljava sve kvalifikacione uslove utvrđene tenderskom dokumentacijom u predmetnom otvorenom postupku nabavke i ponudena tehnička specifikacija je u skladu sa zahtjevima postavljenim u tenderskoj dokumentaciji.

(3) Grupi ponuđača iz stava (1) ove odluke, će biti dodjeljen ugovor na ukupnu vrijednost u iznosu **od 769.200,00 KM bez PDV, odnosno 899.964,00 KM sa PDV. Ugovor se dodjeljuje na period od sedam (7) mjeseci.**

(4) Ugovor će biti dodjeljen u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

(5) Ova odluka stupa na snagu danom donošenja.

## **O b r a z l o ž e n j e**

Postupak javne nabavke proveden je putem otvorenog postupka, međunarodni platni razred. Obavještenje o nabavci objavljeno je na portalu Javnih nabavki, 794-1-2-3-3-3/26 od 23.01.2026. godine. Do krajnjeg roka za prijem ponuda do dana 11.03.2026. godine primljena je samo jedna ponuda, Konzorcija ponuđača „iBusiness“ d.o.o. Istočno Sarajevo, Cara Dušana 12.a, 71123 Istočno Sarajevo i „Etiris“ d.o.o. Mostar, Kneza Višeslava bb, 78 000 Mostar.

Komisija za javnu nabavku imenovana Rješenjem broj: 07-2-16-3-1126-2/25 od 26.11.2025. godine (u daljem tekstu: Komisija) je dana 18.03.2026. godine dostavila Zapisnik o pregledu i ocjeni ponuda u predmetnom postupku nabavke broj: 07-2-16-3-1126-21/25 od 07.05.2026. godine sa preporukom za izbor najpovoljnijeg ponuđača, koji je u prilogu ove odluke.

Komisija je u postupku ocjenjivanja kvalificiranosti dostavljene ponude Grupe ponuđača „iBusiness“ d.o.o. Istočno Sarajevo, nosilac Grupe i „Etiris“ d.o.o. Mostar utvrdila da je ista dostavljena u skladu sa zahtjevima iz tenderske dokumentacije i ocijenila je prihvatljivom.

Shodno gore navedenom, Komisija je uputila preporuku Centralnoj izornoj komisiji BiH za izbor **Grupe ponuđača „iBusiness“ d.o.o. Istočno Sarajevo, nosilac Grupe i „Etiris“ d.o.o. Mostar i dodjelu ugovora za nabavku opreme za izgradnju kapaciteta IDDEEA-e BiH za podršku uvođenja specifičnih izbornih tehnologija u izborni proces u Bosni i Hercegovini - Sistema za**

**provjeru biometrijskih podataka - LOT 1 po ponuđenoj cijeni u iznosu od 769.200,00 KM bez PDV, odnosno 899.964,00 KM sa PDV. Ugovor se dodjeljuje na period od sedam (7) mjeseci.**

Kriterij za dodjelu ugovora je bio najniža cijena. Uzimajući u obzir navedeno, odlučeno je kao u dispozitivu ove odluke.

**Pouka o pravnom lijeku**

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili putem pošte, u roku od deset (10) dana od dana prijema ove odluke, koja se dostavlja ponuđačima putem maila.

Broj: 07-2-16-3-1126-23/25  
Sarajevo, 21.05.2026. godine

Dostavljeno:

1. Ponuđaču
2. Odsjeku za materijalno finansijske poslove
3. Na web stranicu CIK BiH i
4. A/a



Predsjednik

Jovan Kalaba